

43. SMOTRA
DJEČJEGA KAJKAVSKOG PJESNIŠTVA
“DRAGUTIN DOMJANIĆ”
– SV. IVAN ZELINA 2023.

Kaj je to ljubaf?

Mala biblioteka „Dragutin Domjanić” (119. knjiga)

**43. SMOTRA
DJEČJEGA KAJKAVSKOG PJESNIŠTVA
“DRAGUTIN DOMJANIĆ”
– SV. IVAN ZELINA 2023.**

Nakladnik

Pučko otvoreno učilište Sv. Ivan Zelina

Za nakladnika

Vesna Bičak-Dananić

Urednik

dr. sc. Ivo Kalinski

Naslov zbirke

prema naslovu pjesme „Kaj je to ljubaf?” Gite Radiković

Ilustracija naslovnice

prema likovnom prilogu Katarine Flinčec

Likovni sadržaj

učenici osnovnih škola sudionica Smotre

Stručni suradnik u odabiru likovnih sadržaja Smotre

Mateja Majcen

Dizajn i grafička priprema

Zoran Osrečak

Tisak

Tiskara Zelina d. d., Sv. Ivan Zelina

Tiskano u 400 primjeraka

ISBN 978-953-8470-04-2

CIP zapis je dostupan u računalnome katalogu Nacionalne i sveučilišne knjižnice u Zagrebu pod brojem 001199687.

Kaj je to ljubaf?



Riječ urednika

Ivo Kalinski:

Kako MALI KAJ sve više postaje VELIK! 9

Kaj je to ljubaf?

Ivano Nemčić: *Moja obitel* 13

Karla Žapčić: *Ženilo se proliće* 14

David Vidak: *Jabuka* 17

Luka Horvat: *Drobiš* 18

Lora Malnar: *Šula* 19

Viktorija Ružić: *Megla* 21

Roko Abramović: *Ježek* 22

Jelena Križ: *Spumad* 23

Lan Janež: *Lepa smrejška* 24

Izabela Perhoč: *Čaplje, lafre i pikači* 25

Vito Ljubaj: *Stare zubače* 28

Tena Kišić: *Dok si mlodi* 30

Tara Ferenčina: *Moj Tinek* 31

Nikola Milak: *Kmica je* 32

Patricija Mohorić: *Prklejtje* 33

Niko Božić: *Zima* 34

Ema Vrček: *De pa je tuo proleče?* 35

Elena Puzjak: *Rožica* 37

Sara Rogina: *Neda mi se* 38

Dorotea Banfić: *Mo hižico* 39

Gita Radiković: *Kaj je to ljubaf?* 41

Dora Labazan: *Mura* 44

Julija König: *H školi* 46

Tin Žlebački: *Čirišja* 47

Nino Malnar: *Giravce* 48

Magdalena Štanfelj: *Maja ulica* 49

Ivano Rihtarec: *Naša učiteljica* 50

Chrztel Renae Aceveda: *Kak sem se nafčila KAJ* 51

Na poziv Pučkog otvorenog učilišta Sv. Ivan Zelina za sudjelovanje na 43. Smotri dječjega kajkavskog pjesništva „Dragutin Domjanić“ - Sv. Ivan Zelina 2023. odazvalo se 59 osnovnih škola s ukupno 302 učenička rada. Ocjenjivačko povjerenstvo u sastavu dr. sc. Ivo Kalinski (predsjednik), dr. sc. Božica Pažur i Štefica Kamenarić-Filipović, dr. med., odabralo je 81 rad od kojih je 25 predloženo za javnu izvedbu na završnom događanju Smotre 28. listopada 2023. u Svetom Ivanu Zelini.

Franciska Hruška: <i>Badjak</i>	53	Elena Vurušić: <i>Stroh</i>	100
Tea Sakač: <i>Muke po penezima</i>	54	Šimun Ferendiš: <i>Črez oblok</i>	101
Lara Vađon: <i>Veter</i>	57	Marta Haramustek: <i>Črlena roža vu sniegu</i>	102
Vito Krištof: <i>Draga jesen</i>	58	Kiara Kozina: <i>Domek muoj</i>	103
Ivana Peh: <i>Daleke</i>	60	Rea Ljubej: <i>Reči</i>	104
Greta Zamuda: <i>Herbija</i>	61	Marko Očić: <i>Snježna bajka</i>	105
Roko Rep: <i>Mušice v glovi</i>	62	Lada Skrbinač: <i>Moj dečec</i>	106
Lara Tomurađ: <i>Detinstvo</i>	64	Patric Filko: <i>Hiža</i>	107
Gabrijela Hanžek: <i>Premale sreče</i>	66	Jan Domislović Cvek: <i>Se kaj mi treba</i>	108
Vida Škrablin: <i>Dedek srdi babicu</i>	67	Nika Đurkas: <i>Reči i dela</i>	110
Lara Hačko: <i>Vuzem</i>	69	Mihaela Frljužec: <i>Pritiljat</i>	111
Ela Baneković: <i>Riječi</i>	70	Ana Marija Voljavec: <i>Tam negde</i>	112
Vito Ivanović: <i>Cokaljka</i>	71	Veronika Pomper: <i>Spod neba</i>	113
Paula Stanić: <i>Lepi danek</i>	72	Lana Habunek: <i>Neposlušni čuček</i>	114
Zara Prelec: <i>Grunt</i>	74	Franka Krizmanić: <i>Moj lajbek</i>	115
Ena Vlahek: <i>Nokturno</i>	75	Tamara Grkavec: <i>Mali telek</i>	116
Valerie Novak: <i>Kraj šule</i>	76	Lara Tukša: <i>Male se pomekni!</i>	117
Tara Kukovačec: <i>Šenica</i>	77	Lorena Kašaj: <i>Moje mesto Prepolno</i>	118
Adela Dokić: <i>Kaj je meni</i>	78	Lucija Prečko: <i>Neobična sestra</i>	119
Lovro Fabac Car: <i>Cucak</i>	80	Borna Šlogar: <i>Moj deda več ne puši</i>	120
Jana Horvatić: <i>Život fletno prejde</i>	82		
Emilija Horžić: <i>Na mefkom vanjkušeku senjam...</i>	84	Kazalo autora likovnih priloga u zbirci	123
Cristiano Tudek: <i>Naj me klati!</i>	86	Osnovne škole koje su sudjelovale na natječaju	125
Aurora Žabčić: <i>Baka Jagica</i>	87		
Tesa Hrnčić: <i>Kaj očem?</i>	88		
Renato Adamić: <i>Se se vrti</i>	89		
Julija Dužaić: <i>A kak si ti?</i>	91		
Elena Srpak: <i>Lepa coprница</i>	92		
Gabriela Fotivec: <i>Babine muke</i>	93		
Petar Bukal: <i>Izlet</i>	94		
Lovro Erdelji: <i>Z čista mira</i>	96		
Nina Težak: <i>Kruhek v 5</i>	98		
Leonarda Remar: <i>Ringišpil</i>	99		

Kako MALI KAJ sve više postaje VELIK!

KAJ KAJ KAJ

Kako MALI KAJ sve više postaje VELIK!

Naslov uopće nije neumjestan! Štoviše! Od tristotinjak pjesničkih radova naših osnovnoškolaca pristiglih na natječaj za 43. *Smotru dječjega kajkavskoga pjesništva, Sv. Ivan Zelina 2023.*, članove stručnoga suda nadasve je, osim spomenuta broja, osobito obradovalo više činjenica, prije svega ona književnoestetska.

Može se lakoćom ustanoviti da ovogodišnja „žetva“ pjesmotvora naših najmlađih sudionika tematskim i sadržajnim, pa i jezičnim značajkama, znatno nadilazi mnoga dosadašnja četrdeset i dva recitalna događanja, u dosad protekle četrdeset i dvije godine trajanja.


Posebno raduje činjenica pojavljivanja znatnog broja učenika područnih škola, gotovo da bi se moglo reći da područne škole „preuzimaju“ na se „stvaralački teret“ središnjih, centralnih škola. Tu treba od područnih škola istaknuti PŠ Kolarec, PŠ Dubrovčan, PŠ Lučelnica, PŠ Mačkovec, PŠ Komin, PŠ Tršće, PŠ Gerovo itd. Ipak, treba reći da ima škola kojih voditelji literarnih aktivnosti, pogotovo s onima najmlađima, itekako brižno „rade“ na kajkavskom izričaju. Mislim, prije svega, na Osnovnu školu Dragutina Tadijanovića, Zagreb, i vrlo vrijednu učiteljicu Tatjanu Kukić.

Uz već poznate tematske okvire i raznolike sadržaje u njima: *dom/domaja/obitelj* (Ivano Nemčić, Moja obitelj; Dorotea Banfić, Mo hižico; Nino Malnar, Giravce) u nekima se javlja i produbljuje snažan *emotivni osjećaj privrženosti* (Tara Ferenčina, Moj Tinek), uz *prigrljenost flornih* (Lan Janež, Lepa smrejka; Tin Žlebački, Čirišja) ili *faunskih značajki* (Roko Abramović, Ježek; Lovro Fabac Car, Cucak), uz *uživanje u igri/igrariji* (Vito Ivanović, Cokaljka), uz *opis „nesnalaženja“*

u novim okolnostima (Tea Sakač, Muke po penezima), ili uz isticanje simbola intime i zabrinutosti zbog općeg stanja (Veronika Pomper, Spod neba). Dakako, neizostavna su *intimna sanjarenja, snovi* (Emilija Horžić, Na mefkom vanjkušeku senjam...), ali i *zapitanosti* (Gita Radiković, Kaj je to ljubaf?). Svakako je istaknuti stanovitu jezičnu projekciju intime prema samom fenomenu kajkavštine (Chriztel Renae Aceveda, Kak sem se nafčila KAJ).

Na kraju, može se s radošću zaključno reći da su sudionici ovogodišnje 43. *Smotre kajkavskoga dječjeg pjesništva* tematski, sadržajno i jezično gotovo nadrasli sva naša očekivanja!

Ivo Kalinski





Ilustracija: Elena Srpak, 1. razred

Ivano Nemčić

3. razred, OŠ Sidonije Rubido Erdödy, Gornja Rijeka; PŠ Kolarec
Voditeljica: Dušanka Kos

Moja obitel

Moja obitel je ni mučka, bormeš ni ni tak velika.
Ima nas devet vu vužoj,
a male više v širej obiteli.

Z menom vu hiže živiju
mati, oča, brat, sestra, ded i baba.

Negdar nam v posetu dojdu teca Natalija, očina sestra
I baba Danica, očina mater
Pak donesu sakaj finega.

Saki den nam je vesele i bučne
Gda se spominjeme koj je bile v školi i kak je bile na poslu.
Si se dobre slažeme, ampak bormeš negda i posvadime.

Moja mater zna fest kričati
Same gda smo bracek i ja fest zločesti.

Se u semu smo srečna obitel kak ih je se menše
V našej domovini.

Karla Žapčić

3. razred, OŠ "Slava Raškaj" Ozalj, PŠ Mali Erjavec

Voditeljica: Nada Peretić

Ženilo se proliće

Cvitno proliće tilo se udati
za bogato lito kaj se zlati.

Sonce je sijalo kad su se ženili,
a jesen i zima za njim su hodili.

Slavuji i kosovi su ih pratili,
vu salu su dvi vure zakasnili.

Ftičeki su im vesele pisme pivali
dok su svi skupa lipo tancali.

Vu šest vjutro su prešli hiži
i svi su si prijateli bili nekak bliži.

Proliće i lito su spali cili dan,
a brak im je bil dug i radostan.



Ilustracija: Ema Šantek, 3. razred

David Vidak6. razred, OŠ Veliko Trgovišće, PŠ Dubrovčan
Voditeljica: Silvija Greblički

Jabuka

Jabuka je zelena, a more biti i črlena.

More biti z drijeva,


a more biti v Konzumu h štajglecu.

Nigdar ne znaš de buš ju našel i tere bu
boje.

Morti bu h njoj i ona roza duguljasta buba tera furt će
pojesti jabuku.

Jabuka more biti slatka ili tak kisela kej ti se zubi
opadneju.

Mene je najboljša zelena bez roze duguljaste bube i tera
nije jake kisela.



Ilustracija: Maro Sadiković, 2. razred

Luka Horvat

2. razred, II. OŠ Čakovec

Voditeljica: Ida Veselovac

Drobiš

Drobiš je penez sitniš.
Kak mali gombi zgledijo
V žepu se furt vrtijo.

Bogataši se z njimi razmečejo,
A mamice ga na kup mečejo.

Na kraju ga si očejo meti
Jer je bez njega teško živeti.

Lora Malnar

1. razred, OŠ Ivana Gorana Kovačića, Delnice

Voditeljica: Sanja Arh

Šula

Kaj bun zdej
ko sen v šulo krinua?
Valda se nabun jegrat pazabua?
Prašaua sen svajo mamu
pa me je ouna rjeku
da bun slova i brojke navadua,
al da se jegrat nabun nigdar pazabua.
Dejte son i dejte bun ostaua
samu kaj bun zdej v šule svašta navadua!



Ilustracija: Tena Baksa, 6. razred

Viktorija Ružić

3. razred, OŠ Domašinec, PŠ Florijana Andrašeca Dekanovec
Voditeljica: Tatjana Pintarić

Megla

Megla je bila tak fejest velika
ka sje pes repa ne videl,
a ja sam koma vidla kut idem
i v bandero sam se zabila.
boleleo je, bolelo
kaj nošt.
Počela sam se plakati
I meglo sam sterala kak sam se plakala.

Roko Abramović

4. razred, OŠ "Petar Zrinski" Šenkovec, PŠ Mačkovec
Voditeljica: Senka Saško

Ježek

Srel sam v šumi
ježeka,
maloga, pikastoga, ježeka.

Na iglicama je
čuval jabuko.

Nesam mu je vupal zeti!

Celo vreme si mislim
za koga itak čuvle
to lepo, črleno jabuko!

Jelena Križ

5. razred, OŠ "Petar Zrinski" Čabar, PŠ Tršće
Voditeljica: Ingrid Žorž

Spumad

Kumej sen čakaua spumad
da se pudemo ven
jegrat.

Tičke da nan papejvajo,
a majhna deca
kalačke
od buata dejvajo.

Dirjale bumo pa zeljene trave,
a vjenčke od rusc,
bumo nasile na guave.

Sunčke bu sake dan
še bel greu
i srično nan
spumad žeļu.

Lan Janež

4. razred, OŠ "Petar Zrinski" Čabar, PŠ Tršće
Voditeljica: Katarina Leš

Lepa smrejka

V maje šume, smrejka raste.
 Ima prste ko kabase.
 Ravnu staji koda se baji.
 Lepa je i pa zime i pa lejte
 Zak jo nije smegurce krasjo.
 Blizu je jezera.
 Ko grin pecat, kirkret me maja
 Lepa smrejka jade.
 Vržen palco,
 uana rašire svajo vejco i
 zame majo udico.
 Al nejsen hud najno
 Zak ko me je hedu vruče
 Uohku zaspin pajdno.
 I sajnan najvičjo ribo kako
 Je mau ledi rejtku viduo.

Izabela Perhoč

4. razred, OŠ Domašinec
Voditeljica: Sandra Hrgović

Čaplje, lafre i pikači

Meni je na maškorima jako lepo.
 Si se smejemo i na sredini križoja plešemo.

Dok čujem da nešči toče, znom da čaplje idejo.
 Jana za drugom, jana za drugom, po redo...
 Mom bi se nekam skrila i ka didejo čakala.

Ali unda dok čaplje didejo, lafre dojdejo.
 Na se smešno morem pozabiti...
 Lafre z onim veljkim, grdim rogima,
 lafre koje te nagojajo.
 Z zvoncima glasno zvonido...
 I to išče neje dosta!
 Dojdo do tebe i po obrazu te sajhama namažejo.

Ron ka se prestanem bojati
 i već se odnekud stvori nekši novi stvor!
 Te koji je od sejoh najstrašneši!
 Te za šteroga sam mislila da se jedva more
 kretati,
 a unda je ispalo da za tobom more i bežati.
 PIKAČ!!!

Visoki, širki, pikasti pikač!!!
 Čim se na jega zmislím,
 odma mi se lasi počnejo zdigati.
 Zgledi kak da bi me mogel zgrabiti
 i v janomu zalogaju pojesti.

Negda si mislim: Pa kaj stvarno neje dosta
ka jih na maškorima moram gledati?
Nego unda išče saki pot kre Selnice moram iti,
i saki pot znova s pikačom se ziti.



Ilustracija: Fran Pintarić, 6. razred

Vito Ljubaj

7. razred, OŠ Ljudevit Gaj Krapina

Voditeljica: Jasna Leljak

Stare zubače

Pošlje mene moja mati
 Da zubače h štalu idem najti.
 Gledim pa gledim i na jempudek
 Zagledam ih na haklju obiešene.

Zemem ih sobum vun.
 Se se jaake dobre vidle.
 Skorum me je serce strefile!
 Od njih dvajst, dva i pol zuba je
 ostale.

Zglediju kej da su h ratu bile.
 Kie zna kuljike su rušic ljistja
 nazubljale.

Morti su teri put i za čučami letele.
 Jer, moja prababica Magdica
 Fajn veselu narav je imela.



Ilustracija: Aurora Žabčić, 4. razred

Tena Kišić

6. razred, OŠ Ludbreg

Voditeljica: Ljudmila Kladić

Dok si mlodi

Je, bile smo kak rođene sestre,
al to vam je tak.

Daj joj denes konja, zutra vola,
a pozutri te bo z njim nagonjala.

Znate kak veliju, prijatel se pozna vu teškoči.

Dok sem ja bila vu nj , njih nigdi nit za lek.

Pravi prijateli so vu denešnje vreme, jako, retki petki.

Dok si bogati, imaš ih kak pleve,
a siromak je sam na svetu kak crkveni miš.

I teško je tu protiv vetra iti.
Lažeju ljudi dok veliju da je se lefko dok si mlodi.

Tu je tek teško!

Prve zelene ljubavi, jezik prestigavle pamet,
ne vidiš dale od nosa, mladost–ludost.
Dok si mlodi, unda je se još dvajst i pet pot teže!

Tara Ferenčina

3. razred, OŠ Novi Marof

Voditeljica: Ljubica Bešenić

Moj Tinek

Negdar mi smešne priče pripoveda.
Negdar me za lasi skube.

Negdar mi cveteka z šume donese.
Negdar me za roke fest ščipa.

Negdar mi čak pol svoje čokolade da.
Negdar ftruc moju poškrmlja i onda ostavi.

Negdar mi srčeke nariše.
Negdar mi mobitel skrije.

Negdar mi hiljadu kušlecov stisne i sozicu
zbriše.
Tinek!
Moj Tinek!

Nikola Milak

7. razred, OŠ Novi Marof

Voditeljica: Sunčica Križan-Kadi

Kmica je

Prekrasni su ti črni lasi,
Joči kak kostanji.
I čas bez tebe kak cela je večnost
bez spomenara.

Pomisel da več te ni
Dušu mi rastuži
Kak angel si mi dobra bila
Na kipecu te čuvlem.

Gda otišla si
Polovica mene je zamrla...
Jesen je, kmica se zaran spušča,
Zebe me okolo srca.

V moju dušu si se naluknula
Vse tajne moje znala.
Fališ mi.
Čakam te
A vuni kmica je...

Patricija Mohorić

4. razred, OŠ "Petar Zrinski" Čabar

Voditeljica: Radmila Urh

Prklejtje

Prklejtna vura
zganiuoa bu zdej,
naj zbedi se sve,
a ti se sonček samu smej.

Prklejtne rušce rastejo
zrastle budo zdej,
naj bedi se prklejtje,
zime več nej.

Majhne tičke
papejvajo pejsmo,
naj se pasuoatkajo
zos fino črejšno.

Punčke i fante vesiu vičejo,
a tički na črejšne vesiu dvičejo.

Črne kos sve to čudnu glida,
a medvejd v šume be rad mau mida.

Prklejtje je pršuo v moj kraj,
naj sve vedo da je tu moj najljepše pleške raj.

Niko Božić

4. razred, OŠ Rudolfa Strohala, Lokve

Voditeljica: Marijana Rakas

Zima

Zima prova prišla,
svoje lice sakimo pukozala.
Sneg zatrpaf celo selo,
Letijo pahuljice lipe ku curice.

Deca na snege uživajo,
Storje sneg kidajo i njurgajo.
A lukvorske snješkete samo se smehljajo.


Ema Vrčec

6. razred, OŠ Sračinec

Voditeljica: Mirela Briševac

De pa je tuo proleče?

De pa je tuo proleče?
Kaj da dielam v hiži?
Bu prestal tie dežd?
Da bu suončeku zasvietlilu?
Muhe su nazi dosadne.
Počeli su se i kratki rukavi nusiti.
Babice vuni na stolčekima sediju.
Se znaju, zuvemu ih google.
Kaj god da se v selu dogudilu,
se budu ti rekle.
H večer pa si stulce nazi nutri neseju
i veste ublačiju.
Bormeš je frišku!
Suonce se skrilu,
nazaj se ublačiti počelu.
De pa je proleče nestalu?



Ilustracija: Nika Balažinec, 7. razred

Elena Puzjak

4. razred, OŠ Bistra, Donja Bistra
Voditeljica: Sandra Škrlin

Rožica

Posebna, lepa, dišeča i črlena.

Cvete, raste, diši.

Liepe zgledi.

Nježna, mehka, čarobna kak z bajki.

Rožica gizdava.

Sara Rogina

6. razred, OŠ Sračinec

Voditeljica: Mirela Briševac

Neda mi se

Neda mi se v jutru zbuditi,
neda mi se v škuolu iti.

Neda mi se saki dien vučiti
i z zadačama se mučiti.

Neda mi se z mamum raspravlati
niti sestri matematiku pumagati.

Neda mi se za stolum svaditi
jer sam se nie mogla z ničim zasladiti.

Ne da mi se babici spuviedati
zakaj sem suosedu nie štuela pugledati.

Neda mi se iti v štacun
niti z kulegicami vun.

Niš mi se neda.

Samu bi se v sobi zležavala
i v mobitela pugledavala.

Valda su me pubertetska lieta stisla
pa sem sa nauopak,
puca liena i pukisla.

Dorotea Banfić

7. razred, OŠ Franje Serta, Bednja

Voditeljica: Emilija Zagrajski-Maligec

Mo hižico

Venčec bi si splalo,
Do kok jungel duojdám pred taba.
Ruožica sum pe dveriše brolo,
Sauko prajsi: zemi mana, zemi mana.

K souncu fpirom juoči.
K souncu i ruožico gleđi,
F nabe ruožico hača,
F nabe mo meisel bejži,
A tum, hižico ja f štare
Ma sarce živi.

Tum ja još cijelo, nuovo,
Ne senja i sijene kravek nje diši,
Vroto ne škriplaju
I ebloučec ja cijelji,
Tum pri zdancu
Jorgovan ja bijelji.

Tum bobico ja mlodo i čarna lausi
F douga kita spljiječa,
Dedek trauvu kejsi, stagnjeni kok dečke.

Vrijema ja stole, ni vetro go nie,
Veke mana maji su si.
Meisel to mi ja edletijelo,
I sume još jano sa verti...

F me hiže zdaj fteček živi,
 F mu hižu zdaj mauček gleđi,
 Veke nja čmaljico leti,
 Sume još jorgovan pri zdancu
 Diši,
 Diši,
 Diši.

Gita Radiković

5. razred, OŠ "Petar Zrinski" Šenkovec
 Voditeljica: Marijeta Stevanović

Kaj je to ljubaf?


Kaj je to ljubaf?
 Je to nekaj črleno, ili mortik žuto?
 Je to nekaj slatko, ili mortik zaribano?
 Što bi to znal...

Či pitaš pucku kaj je to ljubaf,
 ona bu ti rekla:
 „To su dva črljena srčeka
 kaj mi ih je on nacrtal.”

Či pitaš dečeca,
 on bu ti rekel:
 „To je ono da sam se v pol noći
 hapil čitat lektiru.
 Jer, što zna kaj bi si moja ljubaf mislila
 či bi mi z lektire jedinica pola!”

Kaj pa je za baku ljubaf?
 „To su prijatelji
 z šterima sam se negda po cele dneve igrala.
 Istina je, ne ga bilo mobiteli,
 al smo se nagajali
 i z vanjkušima bili!”

A kaj je za dedija ljubaf?
 „To je bil moj dobri hrastek.
 Da sam se dimo z škole špancerai,
 navek me na istome mestu počakal.
 I praf se zmislím kak mi se zrušil svet
 da sam videl da ga mojega hrasta već ne”.



Ilustracija: Ivona Jelavić, 7. razred

A kaj je tatiju i mami ljubaf?

Oni veliju:

„Deca draga,

vi ste naša najvekša ljubaf!

Vi ste naši ajngeli i naši mujceki,
a vaš smehek je slatki kak cukorek!”

I kaj je to ve na kraju ljubaf?

Mortik nekaj črljeno, a mortik i nekaj žuto.

Mortik nekaj slatko, a mortik i nekaj zaribano.

V našim srčekima sega i sačega ima:
v jenima su auti, v jenima kompjuteri,
a v jenima ko zna kaj se još...

Al saki vu srcu ima
i jenoga lepoga slatkoga ficleka
šteri zove se –
ljubaf!

Dora Labazan

4. razred, OŠ "Petar Zrinski" Šenkovec

Voditeljica: Radojka Oreški

Mura

Bila sam pri Muri.
 Tekla je fletno i bila je zmazana.
 Šlafurila je i obrtala kolo drvenoga mlina.
 Škripal je žrvanj toga starca.
 Zaprla sam oči i zaplutala s jim.
 Kaplice mrzle vode škropile su mi lice i roke.
 Postali smo. Otprla sam oči.
 Okitila se Mura i jenim brodom.
 Svojom skelom bez motora i vesla.
 Samo stari skelar.
 Otpelal me prek na drugu stran.
 Tu sam vu šumi nabrala cvetje i zmisli se mamice.
 Pripovedala je kak je na Muri i skeli bilo živo.
 Čuda ljudi, dece, krave i kola puna vreća mele...
 Dok sam se pelala nazoj hitila sam Muri jenu ružicu za ta vremena
 i svoju mamicu.

*Ilustracija: Sofija Taradi, 1. razred*

Julija König

5. razred, OŠ Ante Kovačića, Marija Gorica
Voditeljica: Ana Mlinar

H školi

Mala dica skačeju
i po gajnku mutiju
i grliju.
Vekše pucice i dečeci
se spominaju.

Se puno smiha,
veselja i radosti
ot te mladosti.
Jedan dan se
svadiju
drugi dan
rada imaju.

Negdar se znaju i potuč
al ne čudaj!
I drugi dan
pak se sponova!

Tin Žlebački

5. razred, OŠ Ante Kovačića, Marija Gorica
Voditeljica: Ana Mlinar

Čirišja

Čirišja na brigu hlada mi dila,
sadje jenino rada jim,
tak je slatko, kak kolačec mamin,
kat f kuhji zadiši.

Čirišja na brigu hlada mi dila,
kat jesen dojde
bez oblike ostane
i tak žalosna sunce doziva.

Čirišja na brigu hlada mi dila,
kat snik zapade
pak je bila
kak i h protulitje kada cvita ima.

Nino Malnar

6. razred, OŠ "Petar Zrinski" Čabar, PŠ Gerovo
Voditeljica: Sanja Klarić

Giravce

Giravce so taki ledi
Da jen se nekamor ne medi.
Giravce se rječejo daklet se na
vasi mejnejo.

Pole se pahetajo damu,
Rječejo da duoste dejua imajo.
Fajn tega treba narjedet
I tu tak treba bet.

Vrejdne so te ledi,
Kulku gad in se ne medi.
Samu in rabe kaka rejč
da in se uagolje da zvlejš.

Magdalena Štanfelj

5. razred, OŠ "Petar Zrinski" Čabar, PŠ Gerovo
Voditeljica: Sanja Klarić

Maja ulica

Ulica maja vesile dni prnaša,
garak smijh sosijdov,
vesejli na uoknejh sije.

Dišijo ruže, smejh dečji odzvanja.
Maja ulica, mojhna sriča kira me prati.

Pad drvison starin, sriča nas spaja.
Ti su prpuvdi o ljubavi, od sajnav kire delimo zdej.
Park na kraji, igra i pijsma se stvarajo,
Maja ulica, draga mi, v srci mi ostajaš zavavijk.

Ivano Rihtarec

7. razred, OŠ Sveti Martin na Muri
Voditeljica: Anđelka Klemenčić

Naša učiteljica

Bila je niska, crnih losi
nej preveć našminkana
joko smirena i opuštена
rada se šolila i zabavljala i
delila cukore
rekla nam je ka ima rada sport, košarku
i ringline.
Vozila je unu lejpū žutu bubu.

Kad je vidla bitku v razredu, zakriknula je fejest
i pitala nas či smo bez mozga ostali.
a bili smo ekipa...
zrušili pet klaupi odjemput
jer nucali smo ring
i smijali se dok je trebalo vejžbati
samo me je poglednula i rekla: Ivano Rihtarcov, dosta je šole.
Janik od Čučeka, rejši ovo, ili ti ga mom.

Vrnula nam je test ak smo nekaj pozobili rejšiti
veselila se sakoj našoj dobroj ocjeni pa
je Mariji za jednu peticu rekla kaj bu i jena buba od veselja skokala do doma.

Na kraju sakoga tjedna rekla nam je:
Vi ste moji, bilo kakši, suhi ili debeli, lejpi ili dobri
v škauli ili nej, vi ste moji bekači.

Tau su bile i zodje rejči kaj smo od nje čuli.
Odišla je pre, prerano
v četrdeset drugoj.

Chriztel Renae Aceveda

5. razred, OŠ Sveti Martin na Muri
Voditeljica: Anđelka Klemenčić

Kak sem se nafčila KAJ

Doletejla sem v Međimurje i nikaj nej razmila
baku, Saru, Kristijana i Dorianu.
Pobirala sem rejč po rejč
lejpo, pes
delati
raca.

Počela sem mejšati ŠTO sa KAJ
pa su čizme bile čižme
a i škorje.
Onda je dojšlo mlejko
sedem
Zakaj?
O, kak je lejpi kaj!

Ftičeki su donesli koloče
na obloku su me čekali
fijni
slatki
mrzli
Ve znom, učiteljica mi je spekla
i pokozala tradiciju Međimurja.

A ja sem nju šokirala dok sem zapopejvala
Raca plava po Dravi, korpu nosi na glavi
Rasplakala sem publiku na brodu na Muri
z Vuprem oči
a u čast teti Lizi
zapopejvala
Kaj se pripetilo, kaj se dogodilo...

Kaj mi je lepo govoriti.
Nika mi je nej teško.
DENES SEM PESU DOLA JESTI.

Osjećam se kak prova, fajna puca, Međimurka.

Franciska Hruška

6. razred, OŠ Ivana Perkovca, Šenkovec
Voditeljica: Natalija Dujaković

Badjak

Vani je snik bili
več odavno trebau pokrit kraj cili.
Deca ga komaj čekaju
da sniguliča od sniga napraviju.

F hiži na toplomu smo si.
Lipo se spominamo,
popifke božične potiho popivamo,
smrekicu zis kinčum šarim napličemo.

Dida nam kuha črleno vino
dok mama i baka rizance i mlince misiju, kolače pečeju.

Na televiziji unda si skup gledimo film *Sam u kući*
dok na stolu dišiju fini božični kolači.

Tea Sakač

6. razred, OŠ Antuna i Ivana Kukuljevića Varaždinske Toplice
Voditeljica: Ivana Obad Slavin

Muke po penezima

Došla sem v štacun,
slatke mi se štelu,
al cene dok sem vidla
mam mi je preselo.

Eure sem bormeš ne imela
fala Bogu, teta je i kune štelu.
Sem mislila da je morti kakšna šala
kak je same cena bila mala.
Al mala je cena v eurima bila,
a za te mi bormeš treba železja sila.

Na blagajni teta stoji sa bleđa
nit mi kune nit mi eure ne da.
Po kištici ziskava i furt prebira
s tim penezima novim
vrag joj ne da mira.

Se si nekak gruntam,
za male slatkega
dobre živce trebaš meti
i točen drobníž v žep na koncu deti.



Ilustracija: Tea Sakač, 6. razred



Ilustracija: Dejana Mikulčić, 7. razred

Lara Vađon

2. razred, OŠ Sveti Đurđ

Voditeljica: Snježana Hranić

Veter

V dvorišće se zabušil,
črepe s kroha zrušil.
Drevam grane splel,
se jim listje zel.
Obloke odpiral,
se pred sobom stiral.
Dežda je navabil,
je nikoga ni zabil.

Vito Krištof

2. razred, OŠ Stjepan Radić, Božjakovina
Voditeljica: Jasmina Miler

Draga jesen

Dešč več polako pada
al se zemlja još sunčeku nada.
Blagi veter
se krošne trese
Zdalka miris pečenoga
kostajna mi donese.
Listje po parku
sekud doseza,
od njegovih boja
više ne vidi se steza.
Cokalka se same coču
i senjaju na decu noču.
Draga, draga jesen
Ja sem z tobom
potpune zanesen.



Ilustracija: Vida Čubra, 4. razred

Ivana Peh8. razred, OŠ Stjepan Radić, Božjakovina
Voditeljica: Marina Adašević

Daleke

Visoke su zgrade i tornji kaj se v neba dižu,
 al ja i iz najvišeg jobluka gledim svoju malu hižu
 I još me nekaj v srčeku muči
 jer ja bi se najrajše vrnula svojoj maloju kući.
 Moderneše gradske ceste nesu meni mile,
 ja bi se vratila na poljane de sunce sija,
 de se ljudi pozdravljaju sa
 "Faljen Isus i Marija"
 Vele si kak mi nisu se daske na broju,
 al ja bi opet zagrlila mati soju,
 zasadila bi cvetje,
 pogaču zamesila
 jer za me v gradu nigdar nebu sreće.
 Dekla sam maloga kraja,
 ja v gradu ne vidim raja

Greta Zamuda3. razred, OŠ Tomaša Goričanca, Mala Subotica
Voditeljica: Ljiljana Rinkovec

Herbija

Komaj čekam herbijo.
 Dok to svojima rečem, oni mi velijo:
 Kaj ponorevaš, kaj pak ti fali?
 Zakaj pak ne, saki si nekaj želi.
 Ja sam si premišljavala
 i spiska delala.

Očem grunta il' gorice?
 Bakino senokošo
 il' dedine zajce i zajice?
 Od toga sega nikaj nej štela.
 Kakšo bi korist od toga itak mela?
 Samo bi bilo čudaj već dela.

Ja bi si samo bakino kištico zela,
 ona mi je čudaj pot čokolode,
 cukore i peneze priskrbela.

Ona ima se kaj bi ja štela.

Roko Rep

6. razred, OŠ Brestje, Sesvete

Voditeljica: Inja Mihaljević

Mušice v glovi

Trinaesto leto fest me hiče,
v meni se nekaj grdnoga miče.

Mušice so v glovi, saki den se je isto

Mušice su v glovi i nemrem ž njimi na čisto.

Sako jutro čim se zdignem, mama mi veli kaj da naprovim,

a ja zbog mušica v glovi odma se pozabim.

Tehnologije nove furt me vlečeju,
igrice se stalno po ekranu okrečeju.

Mlajšu sestru imam tak rad,
al zbog mušica v glovi tira me na jad.

V polnoč bi najrajši išel spati
drugi den sam spotrti i nemrem nikaj delati.

Malo sam živčani, malo spameten,
malo sam tožen, a malo srečen.

Sev sem čuden nisem svoj,

Mušica se v glovi pojavil roj.

Jaden ja, problemi provi,
to su vam ljudi MUŠICE V GLOVI.



Ilustracija: Ema Perčić, 7. razred

Lara Tomurad

7. razred, OŠ Breznički Hum

Voditeljica: Vesna Pucak

Detinstvo

Ljubaf, serce, pogled majke,
njezin dodir kak z bajke.


Protuletje, leto, jesen, zima,
lepe slike ima, ima.

Dešč, sonce, led, sneg;
moja hiža, mali breg.

Igra skrivača do kesno v noč,
zmišljeni lik, super moč.

Boje voča, zrake sonca,
modro more, dišeče zore.

Ide polehko, beži od mene,
detinstvo moje, uspomene, uspomene.



Ilustracija: Kiara Kozina, 3. razred

Gabrijela Hanžek

8. razred, OŠ Donja Stubica

Voditeljica: Danica Leštek

Premale sreče

Kulike got da je imaš,
 Nigdar ti je ni dost.
 Navek je očes još i još.
 Naviek premale,
 Nigdar preveč.
 Nit je šala, nit je igra,
 Saka dobra ocena,
 Saka mene draga osoba.
 Putovati, ili se smejati,
 Ili prijatelja za ruku držati.

To je zame sreča:
 Sake mene drage meste,
 Saki potek, saka reka,
 Saka prečitana knjiga,
 Saki pogledani film.
 Saki kušlec mojuga prijatelja,
 Saka njegva topla rieč.
 Saki put da sme se skup smejali
 I v nevolje opadali.

To je zame sreča:
 Naviek je očes još i još,
 Naviek premale,
 Nigdar preveč.

Vida Škrablin

4. razred, OŠ Donja Stubica

Voditeljica: Danica Leštek

Dedek srdi babicu

Šciem se zbudi,
 Dedek od babice froštukelj dobi.
 Dedek prejde novine čitat i
 zaspi...
 Babica ga zbudi.
 Na mešu je treba iti.
 Oblieče si miešnuga ancuga.
 Meša traje jenu vuru, a njega
 nema dvije.
 A gda ga babica pita,
 Veli da je bil v bertije.
 Kak je babica zdej huda,
 Ciele dane diela,
 A dedek v bertije,
 Bogu dane krade i pije.

Dedek prejde na kauč i zaspi...



Ilustracija: Nika Žunić, 4. razred

Lara Hačko

3. razred, OŠ "Ljubo Babić" Jastrebarsko, PŠ Desinec
Voditeljica: Snježana Dugić

Vuzem

Mama se oblekla i fest zriktala.
Na blagoslov je košaru nosila.
Pri meši je bila.

Vuzem je čestitala sima,
Gledela je gdoj najlepšu pisanicu ima.

Doma smo za stol si skupa seli.
Vuzmeni froštik smo pojeli.
Otac si je jenu kupicu spil,
Deci je na kraju cukore podelil.

Ela Baneković

7. razred, OŠ Visoko

Voditeljica: Valentina Matejak

Riječi

Riječi moreju biti grube,
samo ti sklizneju čez zube.

Z riječima v tuđe riječi skačemo
zbog grdi je riječi se čak i plačemo.

Negdar rejši kamen zdrobim
neg da sestre istinu velim.

A znam da je laž dok govorim to
i te riječi delaju veliko zlo.

Mislim si kak je lakše
da mati i otec ne kaznju mene
pa se onda bojim i sestrine sene.

Život je to,
a dobre riječi znaju biti baš daleko
jer si su drugi krivi,
samo ne ja
i nigda ne bu moja krivica.

Morti je najbolje pustiti se i iti spat
naj se riječi odmaraju do zutra
jer negda smo pametneši
i iskreneši
dok premislamo do jutra.

Vito Ivanović

1. razred, OŠ Dragutina Tadijanovića, Zagreb

Voditeljica: Tatjana Kukić

Cokaljka

V našem parku
cokaljka je stalno zauzeta
deca čekaju v redu
za cokanje.

A ja na cokaljku
idem v poldan.
Sednem si,
mama me poriva,
a ja se cokam
i letim gor – dol.

Cokaljka škriplje, cvili
ja stiha popevam,
a sunce me gleda.

Paula Stanić

7. razred, OŠ Krunoslava Kutena, Vrbovec; PŠ Rakovec

Voditeljica: Ljiljana Bušić

Lepi danek

Jutre se budi i tiček popeva,
Danek je vane, a meni se zeva.

Se se zeleni, šuma je gusta,
Puna je cvetja, ni više pusta.

Po trave maslački, trava zelena,
Skačeju kukci, blata već nema.

Hitre letim po čošku sakom,
Za se ima mesta, nišče ni lakom.

Dojdite k mene da se igrane,
Če treba do kmice da budeme vane.

I žabe krekeču svoju lepu pesmu,
Kak da popevaju nekaj kaj nesmu.

Moram vu hižu jer zutra je škola,
A meni se nejde, al' kaj - kad se mora.



Ilustracija: Erik Šimunjak, 8. razred

Zara Prelec

5. razred, OŠ Krunoslava Kutena, Vrbovec; PŠ Rakovec
Voditeljica: Ljiljana Bušić

Grunt

Na memu gruntu
stoji jena hiža mala,
koju mi je moja baba dala,
gda je zanaveke zaspala.

Ja se tam igram rada,
kak i babica gda je bila mlada.

Oko grunta se grabrova živica proteže
dokud moje oko seže.
sred živice stoji jeno prelo,
kud su kokoši bežale v selo.
Kraj hiže stoji sliva stara
na koju se naslonil štagel i štala.

Kraj grunta su se doselili ludi iz velikega grada
i z njimi je furt
nekakva parada.

Ena Vlahek

6. razred, OŠ Ivana Kukuljevića Sakcinskog, PŠ Tina Ujevića Salinovec
Voditeljica: Valentina Posavec Kovač

Nokturno

Muole zviezde na nebu se blešče,
Kak muoli ognjeci se vesele.
Nebu mlaku svietlost
Daju.
Poti i stezeice
Su puste,
Čkome.
Mrtuljeki naokuoli lete.
Po kmice i hoste su
Još više goste.
Pucica senja zlatne senje,
Dečec ognjece
Lovi
Po sinikuoše.
Tratinčice su kikljice obliekle,
Mefke,
Biele kak da su mesečine niti
Vkrale, sliekle...
Tuo se čaruolija budi,
Vuljetna,
Al čute ju some dobri ljudi.

Valerie Novak

5. razred, OŠ "Petar Zrinski" Čabar, PŠ Prezid
Voditeljica: Rezika Jašarević

Kraj šule

Še pit dni
i šule bu kraj!
Osmaši nan adhajajo,
a mi še tri lejte
astajamo!

Veselin se lejte:
zak bumo venaj do desjete,
šle bumo na murje,
koupale se do devjete...

Na žauast
lejtu je prekratku,
jesen bu hmale pršua.

Mi pudemo spit v šulo,
anu lejtu bumo starje,
mart je pametneje.

Tara Kukovačec

4. razred, OŠ Ksavera Šandora Đalskog, Donja Zelina; PŠ Psarjevo
Voditeljica: Maja Poldrugač

Šenica

Draga moja šenica,
kaj te posijala
težačka rukica,
kaj te je zalijala
mrzla kišica
i u svoje naručje
primila plodna njivica.

Od tebe se zlati
moja ravnica,
kaki od sončeka.
Draga moja šenica,
kraj tebe nebu ostala
gladna ni tičica,
ni mišek, a nit kokica.

Draga moja šenica,
od tebe bu
najfineša gibanica!

Adela Dokić

5. razred, OŠ Marije Jurić Zagorke, Vrbovec
Voditeljica: Vesna Švarc

Kaj je meni

Z menom nekaj ni v redu,
vsaki den mučim.
Nikaj ne delam.
Sam spim.

Mama me budi,
al meni se spi.

Iz postele van nikam nejdem,
rajše spim neg da hodim!



Ilustracija: Anja Petričević, 8. razred

Lovro Fabac Car

2. razred, OŠ Mahično, Karlovac

Voditeljica: Jasmina Štefan

Cucak

Moj se cucak stalno s mačkom igra,
 Stalno se loviju,
 Pa kaj onda, to jim je jedina briga.

Moj cucak po cele dane zemlju kopa.
 Pa kaj, to mu je jedina briga.

Nekad je moj cucak jako čudan.
 Kad se vode napije zavija kak stekal.
 Kad se po travi valja navek se negdi zaglavi.

Moj cucak je i dobar čuvar.
 Zna on da je i naša hiža - njegova hiža, nekaj vrednoga.
 Naš dom.

*Ilustracija: Marta Juričić, 2. razred*

Jana Horvatić


5. razred, OŠ Ljubešćica

Voditeljica: Sanja Horžić

Život fletno prejde

Život fletno prejde
kak list dok opadne,
kak dok ljudi mrkvu
z mrzle zemle spukneju.

I potek fletno teče,
misli fletno bežiju.
Život fletno prejde
kak mrzli veter
kaj se otpuhne.



Ilustracija: Lana Kenjereš, 8. razred

Emilija Horžić

6. razred, OŠ Ljubeščica

Voditeljica: Sanja Horžić


Na mefkom vanjkušeku senjam...

Na mefkom vanjkušeku ležim
i sakakve senje senjam.

Senjam lepši svet,
da si mi v lasi del črleni cvet.
Senjam da je sreten čovek saki,
da bum zrasla taki,
da bum plavi ferari vožila,
svoje diete v rukami nojsila.

Senjam i hižu veliku belu,
zabavu z pajdašima noč celu.

Na mefkom vanjkušeku
liepo je senjati,
v senjami bi zanavek
štela ostati.



Ilustracija: Tea Sakač, 7. razred

Cristiano Tudek

6. razred, OŠ Vugrovec-Kašina
Voditeljica: Adela Barbić

Naj me klati!

Čim v hižu zajdem
i uz štenge se spelam,
več me neštji kolje:
- Daj, dojdí male, pogleč ti
bolše!
Kaj mi jesu v kutu ove?-

To opet moj deda
na internete nekaj dela.

Čera je pak išel
po ruteru nekaj slagat:
- Sino, opet mi neka
ne dela kak treba! -

Poštelali mi več
kaj je trebale,
al evo njega opet zutra
pa me kolje dale...

Aurora Žabčić

3. razred, Katolička osnovna škola Svete Uršule, Varaždin
Voditeljica: Martina Lakuš

Baka Jagica

Zgrtala je negda
moja baka seno,
a z lica joj se cedil znoj.
Draga kravica Cveta
je došla blizu k njoj.

Skupaj su komad puta išle,
da bi k hižici prejdi prišle.
Samo im se mujc preprečil na potu,
štel se čuvati vu bakinu skutu.

Još dišalo je seno.
Dok sonce je išlo spat,
bakin mujc je miša
vlovil za vrat.

Tesa Hrnčić

6. razred, OŠ Petrijanec

Voditeljica: Željka Rabuzin

Kaj očem?

Očem biti kak zviezda,
 da se svetlim,
 da svetlim sakumu čuveku,
 da najdem svuoj puot!
 Očem na se paziti,
 očem dobra biti.
 Kak muoja vučitelica
 očem biti!
 Da v 6.b zajdem,
 nečem ponoreti
 jer ih nemrem padeže i glagule nafčiti,
 a nebrem vujti ni uđiti.
 Očem svetliti!
 Tuo se nafčiti muora
 makar zgledi kak nočna mora.
 Nije lefko kak vučitelica biti,
 negda se ud nekih đakuf bole skriti
 kak zviezda vu noč.

Renato Adamić

8. razred, OŠ Petrijanec

Voditeljica: Željka Rabuzin

Se se vrti

Moja steza nigdar nikam nejde,
 sam se v krug vrti, vrti, i sam vrti...
 Na mojoj stezi ničega nema, ni kameja, ni cvietja,
 jedino či koji vrabec dojde, al i un f času odleti.

Tam dalši sem šumicu ugledal.
 Vrteu sem se v krug...
 Splašiu sem se.
 Kaj da delam? Kaj da delam?
 Stezu? Prema šumi?
 Muoj puot?

Krenul sem!
 Na puotu sem videl kameje, cvietje i ftiče.
 Prema sreči idem, pomalem!
 Pred šumu sem došeu, i nikak da ujdem,
 Vrteu i vrteu sem se oko šume.

Obrnul sem se i videl trag, za menum je steza ustala.
 Napravil sam svoju stezu, sam. I odlučil sem iti dalje!
 Kaj buo, buo!
 V šumi je bilo jezeru, tak liepu,
 nisam skrenul, išel sem ravnu!

Unda sem najemput krivu skrenul!
 Skrenul sem! Skrenul sem!
 Skrenul sem zo svuoje steze.
 Nisem znal ka da ve delam, stau sem!
 Splašil sem se, pak, v glavi mi se zavrteu,
 a unda je neko došeu.

Julija Dužaić

8. razred, OŠ Ksavera Šandora Đalskog, Donja Zelina
Voditeljica: Diana Brcković

A kak si ti?

Po nebu duga leti
I kak da me pita:
Kak si ti?

Pa ja sem kak trava zelena
po polju rastepena.
Ja sem kak tič vu letu,
kaj v jutre kriči.
Ja sem kak žute sonce
kaj nas vse gleda.

Ja sem kak nebe plave,
s kojege dejžč curi,
Kak cvetje šare,
Kaj se v momu vrteku členi.

Nije marel ka ide po muojem puotu,
več se zabrinul ka sem ja krivu skrenul...

I unda smu išli jen kraj drugoga.
Čkomeli smu.
Skupa smu išli, nisem bil sam!
Spojili smo steze i napravili veliku stezu.

Nalepše kamene sem videl,
najlepše ftiče, najlepše cvietje.
Gledel sem nebu
i bil sem srečen kaj mi se vrti!

Muoja steza ipak nekam ide,
ne moram znati kam,
bitno da nisem sam!

Život se v krug vrti, kaj nie?

Elena Srpak

7. razred, OŠ Ksavera Šandora Đalskog, Donja Zelina
Voditeljica: Lidija Vešligaj

Lepa coprница

Gle, coprница po kmici leti,
Znam, ima mačka, črnoga kak vuglen,
ki v kmice živi.
Z nikim da bi reč rekla,
no koj znam, te'm ti povedla.

Prije su je zvali Črna Babaroga,
ima ona na se velika dva roga.
Rodila se lepa v bogate familije,
al' veli da za nju mesta bile nije,
pak je onda prešla vu šumicu, na livadu,
de si je nastavila lepu malu kolibu.
Imela je vse potrebne stvari,
i tak joj je bile dobre.

Ona ti je visoka, riđave te kose,
pjegavo joj lice, a noge su joj bose.
Nitko je neće niti blizu iti,
jer si su nasjeli bedastoj laži –
da je ona coprница!

Pak ona ni ne leti!
Same po kmice tanca.
Uredno saku nedelu k meše ide.
Al' nikog svojega nema...
Nikoga s kim bi se spominala...
Tak si je složila i tak joj je dobre...

Takav ti je svet nove naše ere.

Gabriela Fotivec

4. razred, OŠ Ksavera Šandora Đalskog, Donja Zelina; PŠ Nespeš
Voditeljica: Andriana Guštović

Babine muke

Joj!
Pak me pleča boliju!
Am sem celi dan vu vrtu.
Joj, deca moja,
Ja više za niš nisem.

Ne bum vam više ni na polje mogla iti.
Blage mi je teške naraniti jer se nemrem prignuti.
A ovi moji...
Njim vam se pak se duri!
Furt su na temi mobiteli,
a mene nište ne pita kak mi je.
I sad mi vi povečte kaj da ja sirota delam!

Petar Bukal

6. razred, OŠ Ksavera Šandora Đalskog, Donja Zelina; PŠ Nespeš
Voditeljica: Lidija Vešligaj

Izlet

V jutro se zdignem,
V školu pojdem
Pak v jednu vuru dojdem.

Si su već v Zagrebu,
A ja jedini v razredu.
Oni su na izlet prešli
A mene striček tješi.

Oni po Zagrebu ojdiju
I od nekoga sladoled dobiju,
A ja dimem...
I jako je brinem
Koj bu mati rekla,
Kolika je to greška.

Dimem plačuć idem
I teške dišem.

Sreća, mati doma nije
Ili se negde krije.

Dok su oni z izleta došli
I krej mene prošli,
Ja sam dimem pošel
I doma došel
Ko da niš nije bile.



Ilustracija: Ana Jajčević, 5. razred

Lovro Erdelji

7. razred, OŠ Jože Horvata, Kotoriba

Voditeljica: Nikolina Fuš Zvošec

Z čista mira

Veter ga je odnekud donesl
 i prekril je ljetno, vedro nebo.
 Spod njega kmica je nastola.
 A unda...
 Po ljicu mu se prve sozice poškljiznule,
 i na trovu mefku opolje,
 samo ju malo namočilje...
 Ampak, tu neje bil kraj!

Odjempot,
 vse je več i več plača bilo,
 z joči so mu sozice samo frcalje
 i po vuljicama cupkalje...
 Moker je bil cicek na grođi,
 na becikljinu sic,
 stoljec ostavljen na terasi...
 Ampak, tu neje bil kraj!

Cmizdril je, cviljil je,
 a soze več neje brojil.
 Zljevale su se de god su stiglje -
 ljupalje, treskalje po krovima
 pod kojima so se ljudi skrili.
 Kak ga neje srom -
 vse je pokvoril!
 Kaj njega briga za ljeto
 i školsko ferje?
 V jednom cajtu,
 z čista mira,
 sam je prestal i odišel...
 Vrnulo se ono ljetno, vedro nebo.
 Ampak, vse je mokro
 jer je denes oblak
 bil joko tožen.

Nina Težak

8. razred, OŠ Vidovec

Voditeljica: Sanja Biškup

Kruhek v 5

Babice po kruhek več v 5 vjutrno ideju,
 a zna se da se naša pekara v 6 otpira.
 Vele one nam: "Kaj bumo friški kruh meli",
 a ne vele da se tam spominaju o sakome v seli.
 Ko se da zdigel furt pita Bara,
 a z popisom odma skače Mara.
 Regica nigdar ne ostane bez reči,
 a Štefa sam broji ko se s kim leči.
 Čujeju ih deca dok v škuolu ideju,
 kak one celo selo spomeneju.
 Nikoga nigdar neju pozabile,
 kak su milosrdne te naše babice.

Leonarda Remar

6. razred, OŠ Vidovec

Voditeljica: Sanja Biškup

Ringišpil

Pri nas na Vidovo on
 se vrti, od sih nas,
 najlepše živi.

On je kaj život.
 Vrti se tak, kak se naši liepi,
 mali životi vrtiju.

Treba se letu dan na jenga čekati,
 a onda odjenpout odluči nestati.

Prešiu je brege, planine i muora,
 sam ka bi se nešče jenpout
 na jemu zvrtili.

Život...

Elena Vurušić

5. razred, Oš Gornji Mihaljevec, Macinec
Voditeljica: Lidija Novak Levatić

Stroh

Dok vse ftihne
i dok kmica se spusti,
dok vsi didejo spati
jo nikoga v pomoč nebrem zvati!
Onda mi jeza presedne
i od stroha se stepem.
Srce mi počne fest tuči
kaj da oče z mene vum skočiti.
Roke so mi znojne,
noge drhčejo.
Morti je nekaj vu ormaru
i morti bi i mogla svetlo vužgati
da bi vupala doli z kreveta stati.
Nikaj, v sebi bum brojila do
Jeden...Dvo...Tri...
Ak do onda ne dide,
morala bum z strohom zaspati!

Šimun Ferendiš

6. razred, Oš Ljudevita Modeca Križevci
Voditeljica: Danijela Zagorec

Črez oblok

Moj oblok najlepši je na svetu!
Pune bi priča on mogel spripovedati.
Na njeg se mati naslanja
kad me glasne doziva.
Otec ga brže zapre
kad vani veter zapuhne.
Babica ga cifra
kad mu firange popravlja.
A ja si volim sest i pogledeti vun,
kak v zime sneg pada
i kak v proletje sve cvete
i kak v letu zrak od vručine tanca.
Al nigdar ni tak lepe
ko gda črez svoj oblok
zlatnu jesen gledim.

Marta Haramustek

8. razred, OŠ Oroslavje

Voditeljica: Vesnica Kantoci

Črlena roža vu sniegu

Na velikam briegu
kre plota vu sniegu
jena roža stoji
i okoli sebe gleda.

Zima je rane došla,
a roža kak da se pita
zake je sama ostala
kre plota črlena, mala.

I snieg je na nju opal
a ona same gleda
i nič joj ni jasne -
same si sonca želi.

Zgledi kak da se smeje,
makar ju sonce ne greje
i nič se ne stišče,
makar zima se jakše pritišče.

A ja ju tak mile gledim
i mislim si kak liepe zgledi
roža črlena ta vu sniegu
senja o soncem okupanom briegu.

Kiara Kozina

2. razred, OŠ Oroslavje

Voditeljica: Snježana Sitarić-Knezić

Domek muoj

Rodila sam se v Zagorju.
Liepem i tuoplem domeku!

Šume su male,
a hladne su gore.
Rajše mi je biti v Zagorju
neg iti na more.

Ja duobre dedeke i babice mam,
od njih stalne puoklone dobivam.
Liepe je gledeti dedeka mog,
kak stalne drieve ciepa hop, hop!

Imama ja i konjeka,
liepuga i duobruka.
Muoj konjek ide njiha, njiha!
Čuje se daleke, kad je šuma tiha.

Zagorje moje
najlepši je kraj,
za me je to pravi raj!

Rodila sam se v Zagorju.
Liepem i tuoplem domeku!

Rea Ljubej

7. razred, OŠ Krapinske Toplice

Voditeljica: Mira Korbar

Reči

Moreju se popentrati na visoko gorje,
 najtežu i najlepšu misel prozboriti,
 moreju se iza trnja skriti,
 iz zagorskih potoka lepotu piti.

Po tranikam s nami bežati,
 kroz šumske pute popevati,
 s nami se navek smejati,
 i nas Zagorce čuvati.

Prek brega moreju skakati,
 s nami se moreju plakati,
 se i sikam korak je veći
 jer su s nami zagorske reči.

Marko Očić

5. razred, OŠ Krapinske Toplice

Voditeljica: Mira Korbar

Snježna bajka

Snočka tega bilo ni,
 a v jutro kad sam se zbudil
 se je tak čisto, belo,
 debeli kaput obleklo je celo selo.

Pahulje letiju na se strane,
 rundu si zatancaju, glediju,
 pa se na zemlju spustiju.

S hižih kak z lokomotive se puši,
 v peći dobro se hajca, nič se ne guši.

Moja Fifi nikud ne skače,
 samo si z šapicami brke namače.

A pes Bobi kak žandar pred hižom sedi
 i decu na sanjka gleda.

Lada Skrbinac

4. razred, OŠ Antuna Mihanovića Klanjec, PŠ Lučelnica
Voditeljica: Aleksandra Koleč

Moj dečec

Ja mam jenega dečeca
keri mi se jako dopada.

Jako mi je lepi,
ali kaj pak da mu velim?!

Ja stalno na jenga mislim,
čak i dok spim.

Ko zna,
morti nisam prava za jenga,
a morti mu se i kera druga dopada.

Moj dečec dragi...

Patric Filko

2. razred, OŠ Antuna Mihanovića Klanjec, PŠ Lučelnica
Voditeljica: Mira Petek

Hiža

Kaj ima hiža?
hiža ima cigel,
velki dimjak,
peč,
drvena vrata i obloke.
Hiža ima i puno dece
ki bežiju okoli je.
Takvu hižu zovemo dom.


Jan Domislović Cvek

6. razred, OŠ Vladimir Nazor, Sveti Ilija

Voditeljica: Sunčana Lelkić

Se kaj mi treba

Sejam sonce koje moru se smije i galebe koji letiju na beskrajnom obzoru. Stojim v pesku, more gladi moja bosa noge. Širom prožam roke svoje, a veter samo nosi nemire. Bojim se da te ne izgubim. Tonem v gliboki sen, u čaroliju vali i soli. V naručaj beskrajnih dubina mora koje dišiju na alge i tišinu. Lagano tonem, predajem se. Spas iščem v senjima koje trajeju. More me z penastim valom hiče na žal. Neko me zove, išče me. Kaj vredi ak i oprem vrata, kad nisem tu? Ko zna de sem? More je sve kaj mi treba.

*Ilustracija: Mara Nikolac, 3. razred*

Nika Đurkas

7. razred, OŠ Vladimir Nazor, Sveti Ilija
Voditeljica: Maja Priher

Reči i dela

Teške, lepe, mile, grde. Reči. Slučajno zbrana slova ili promišljeno delo? Svačamo ih preleško? Izgovarjamo bez razmišljanja? Bez prave namere?

Raširenim rokama prijemljemo drage i mefke. Zi strahom poklanjamo tople i nežne. Bojimo se odgovora? Ne treba strahi biti ak su iskrene i čiste.

Jesu reči opče vredne bez dela? Obećanja bez ostvareja? Reči oprosta bez jakog stiska roke i iskrenog pogleda? Ljubaf na paperu bez zagrljaja? Zagrljaj stvara toplinu oko srca, zdiže nas v nebese. Kušlec nas hrabri, jača, teši nas... Jakše od reči. Stvarneše. Reči. Nasmejavaju, žaloste, srdiju, hrabriju. Treba ih znati prijeti, ali i reči prije sega.

Dela. Dokazivleju, razbudivleju. Daju nam čvrstinu. Treba ih odelati zi srcem.

Reči i dela. Dela i reči. Jeni bez drugoga puno ne vredi.

Mihaela Frljužec

4. razred, OŠ Antuna Mihanovića, Petrovsko
Voditeljica: Andreja Cigula

Pritiljat

Ftičeki kričiju djeca bažiju.
Si oko hiža bačiju jer prtiljat
zazivaju.

Djeca sa svadiju z visibabuj do ja
parvi došal , dok pa sa matar i oča
mučiju ka bu ju hižu paspravili.

Pčala vuja zujiju , osa pa za tobuj bažiju.
Si vani djelaju h vartu ili na njivi.
A njim ja sama bitna da djelaju jer
Ka buju delali či nabuju na njivi sadili.

Kakoši kakadačaju im nekej velikuga vidiju.
Mački pa sa vuja sunaju ko velika
gospoda dok pa pjesi sama ispod
suncobrana spiju.

Tak sa čaka prtiljat
dručkija nemre.

Ana Marija Voljavec

6. razred, OŠ Ljudevit Gaj Krapina, PŠ Donja Šemnica
Voditeljica: Mira Benc

Tam negde

Tam negde gde ptičeki furt popevaju
i rožice navek dišiju.
Tam negde gde se vjutre trava blešči
i de v jesen šargasto listje curi.
Tam negde de jasni su puti,
gde pajdaš pajdašu dobre želji.
To vam je tam
prek sedem bregov,
prek jezero trsjov
i prek pune selskih putov...
To vam je tam negde
gde srditi nišči ni.
To vam je fejest lepo mesto!
Lepšeg nigde ni...
To vam je sele moje
I moj domek.

Veronika Pomper

7. razred, OŠ Dragutina Domjanića, Sv. Ivan Zelina
Voditeljica: Gordana Čosić

Spod neba

Ponekad se zmislím i
Pogledam v nebo.
I pitam se
Kaj se sve pod njim dogaja.

Nešte se baš sad spod njega ženi,
I daljnijem životu se veseli.
Negde spod neba se tanca i popeva
Dok vinčeko se pije i prolijeva.

Nešte spod neba, kak ja,
Sedi za stolom i zmišlja popevku.
Morti i matematiku piše,
Il se vuči kak metul diše.

Nešte je sad betežan i v postelji leži,
I furt mu pod glavom vanjkuš beži.
Bled i žaloben Boga prosi:
„Daj Bože da još male spod neba ja hodim.”

Nešte se spod neba plače za
Mamicom i toplom hižom
Kaj je v ratu zrušena,
I htel bi da bude vse kak je negdar bilo.

Vsi ljudi, gdje god bili,
V isto nebo glediju,
Al' ne znam kulike su svesni
Da vsi isto nebo deliju.

Lana Habunek

4. razred, OŠ Dragutina Domjanića, Sv. Ivan Zelina
Voditeljica: Vesna Bego

Neposlušni čuček

Neposlušni čuček
zišiel z kokošinca.
Napane ga baba mam:
„Kam te veter nese, nuter!“

Drugi dan, zaprav zutra,
je pak vu vrt zašel,
male hodil
pak je šalatu našel.

Kad ga baba vidla,
štela mu je perje
pukati za kaznu.
A vane su išle dvije lije
da ga maznu.

Franka Krizmanić

3. razred, OŠ Dragutina Domjanića, Sv. Ivan Zelina
Voditeljica: Suzana Tukša

Moj lajbek

Na starom drvenom ormaru,
obešen i sam, visel je tam.
Moj lajbek, kak roža črleni,
ostavljen i star.

Oči se više put v njega zaglediju,
ali ruke nikak da prema njemu poletiju.
Na kraju sam ga jeden den ipak zela,
vu njem poleg peči sela pa se grela.

Tamara Grkavec

3. razred, OŠ Dragutina Domjanića, Sv. Ivan Zelina, PŠ Komin
Voditeljica: Ana Šeb

Mali telek

Telek je mali kakti buha,
kakti laketi i moja vuha.
Neče piti toplog mleka,
pa ne raste ništ.
Če ne narasel ostal bu mali
lakti miš.

Telek ima sto kil,
z pajcekom si paše.
Pajcek je fest narasel,
al telek još i više.

Lara Tukša

3. razred, OŠ Dragutina Domjanića, Sv. Ivan Zelina, PŠ Komin
Voditeljica: Ana Šeb

Male se pomekni!

Male sim, male tam
ja sem v centru pažnje.
Mene voliju mamek i tatek,
mene vam voliju si
čak i tuđa baba.

Došel je novi dečec v razred
pa me prosil da se male pomeknem.
Kak me je grdo uvredil
taj mali čudakec ne zna šte sam ja!

Sram ga more biti do krvi!

Lorena Kašaj3. razred, OŠ Dragutina Domjanića, Sv. Ivan Zelina, PŠ Prepolno
Voditeljica: Adriana Šaban***Moje mesto Prepolno***

Kad ja zajdem v hižu
moja baba kuha špagete.

A dedek veli:
Koj si sad dela te špage?

Cucek laje i skače po dvorišču.
Tatek z bratem gleda utakmicu.

Mame piju kavico i brblaju.
Maček se na vrtu igra z vugorkom.

Svinjice, kokoši i zajčeki se gledaju.
Kaj nemreju niš pripovedati?

Kvočka kvoči, a i dale niš od jajca.

I to je se od mojega Prepolna.

Lucija Prečko2. razred, OŠ Gola, PŠ Otočka
Voditeljica: Sanja Solić***Neobična sestra***

Moja sestra dok se zbudi
na verandi sedi i čeka da ju sonce razbudi.
Da se pak ona obleče, za toga
prejde već jedna vura.

Brzo se žuri da vu školu ne zakesni,
a onda vu silnoj žurbi ni počesati se ne stigne.
Onakva raščupana na bus žuri
a lasi kaj antena štrče.

Na pol puta se seti da nema jaknu.
Beži kaj strela i ne vidi mačku.
I baš vu tom času popikne se vu tu mačku!
Na štenge flisne!
I najjakše vrisne!
A bus joj pod nosom brisne...

Borna Šlogar

5. razred, OŠ Đure Prejca, Desinić

Voditeljica: Vedrana Gudek

Moj deda već ne puši

Meni je moj dedek
 najboljši prijatelj.
 On ima hiljadu dobrih strani,
 a zbog mene se je rejšil
 jene grde navade.

Dok je bil mlajši,
 fejest je pušil cigaretljine.
 Pušil je trideset lejt.
 Gda si sel v jegov auto,
 smrdelo je kak v najgoršoj birtiji.

Deda je skužil
 da mi je to počelo smetati.
 Več se vidlo
 da ma problema zi zdravljem.
 On je kašljal,
 a ja som samo čkomil.
 Mislim da je razmel
 kaj mu očem povedati s tim.

Jen dejn, prije štiri leti,
 deda mi je prišal
 reči da je prestal pušiti.
 Jako som se razveselil,
 od sreče som se razjouka.

Moj deda već ne kašlja,
 a i nahital je koju kilicu.
 Znam da on drži do svoje rejči,
 siguren sam vu to da ju ne bu pogazil.

E mu trebaju cigaretljini?!
 Ne trebaju!

Če mu je dosadno, ma mene.
 Če pa se rasrdi, opet sam tu jas.
 Velimo si kaj nas muči
 I zapopevamo si koju našu zagorsku.

Kazalo autora likovnih priloga u zbirci

str.

12	Elena Srpak, 1. razred, OŠ Ksavera Šandora Đalskog, Donja Zelina, mentor: Jasenko Dominović
15	Ema Šantek, 3. razred, OŠ Oroslavje, mentorica: Snježana Sitarić-Knezić
16	Maro Sadiković, 2. razred, OŠ Dragutina Tadijanovića, Zagreb, mentorica: Tatjana Kukić
20	Tena Baksa, 6. razred, OŠ Domašinec, mentorica: Emina Kefelja
27	Fran Pintarić, 6. razred, OŠ Domašinec, mentorica: Emina Kefelja
29	Aurora Žabčić, 4. razred, Katolička osnovna škola Svete Uršule, mentorica: Martina Lakuš
36	Nika Balažinec, 7. razred, OŠ Ljubeščica, mentorica: Ljiljana Belavić Kliček
42	Ivona Jelavić, 7. razred, OŠ Ksavera Šandora Đalskog, Donja Zelina, mentor: Jasenko Dominović
45	Sofija Taradi, 1. razred, OŠ "Petar Zrinski" Šenkovec, mentorica: Radojka Oreški
55	Tea Sakač, 6. razred, OŠ Antuna i Ivana Kukuljevića, Varaždinske Toplice, mentorica: Ivana Obad Slavin
56	Dejana Mikulčić, 7. razred, OŠ Ljubeščica, mentorica: Ljiljana Belavić Kliček
59	Vida Čubra, 4. razred, OŠ Novi Marof, mentorica: Ljubica Bešenić
63	Ema Perčić, 7. razred, OŠ Sveti Martin na Muri, mentorica: Mirna Žerjav
65	Kiara Kozina, 3. razred, OŠ Oroslavje, mentorica: Snježana Sitarić-Knezić
68	Nika Žunić, 4. razred, OŠ Ljubeščica, mentorica: Ljiljana Belavić Kliček
73	Erik Šimunjak, 8. razred, OŠ Krunoslava Kutena, PŠ Rakovec, mentorica: Ljiljana Bušić
79	Anja Petričević, 8. razred, OŠ Ivana Gorana Kovačića, Sveti Juraj na Bregu, mentor: Domagoj Zoričić

str.

81	Marta Juričić, 2. razred, OŠ Dragutina Tadijanovića, Zagreb, mentorica: Tatjana Kukić
83	Lana Kenjereš, 8. razred, OŠ I. G. Kovačića, Sveti Juraj na Bregu, mentor: Domagoj Zoričić
85	Tea Sakač, 7. razred, OŠ Ljubešćica, mentorica: Ljiljana Belavić Kliček
95	Ana Jajčević, 5. razred, OŠ Vojnić, mentorica: Anica Globan Kovačić
109	Mara Nikolac, 3. razred, OŠ Dragutina Domjanića, Sveti Ivan Zelina, mentorica: Ana Šeb

Naslovnica i str. 11:

Katarina Flinčec, 8. razred, OŠ Gornji Mihaljevec, mentor:
Domagoj Zoričić

Osnovne škole koje su sudjelovale na natječaju

1	Katolička osnovna škola Svete Uršule, Varaždin
2	OŠ Ante Kovačića, Marija Gorica
3	OŠ Antuna i Ivana Kukuljevića, Varaždinske Toplice
4	OŠ Antuna Mihanovića, Petrovsko
5	OŠ Antuna Mihanovića Kalnjec, PŠ Lučelnica
6	OŠ Bistra, Donja Bistra
7	OŠ Brestje, Sesvete
8	OŠ Breznički Hum
9	OŠ Domašinec
10	OŠ Domašinec, PŠ Florijana Andrašeca Dekanovec
11	OŠ Donja Stubica
12	OŠ Dragutina Domjanića, Sv. Ivan Zelina
13	OŠ Dragutina Domjanića, Sv. Ivan Zelina, PŠ Komin
14	OŠ Dragutina Domjanića, Sv. Ivan Zelina, PŠ Prepolno
15	OŠ Dragutina Tadijanovića, Zagreb
16	OŠ Đure Prejca, Desinić
17	OŠ Franje Serta, Bednja
18	OŠ Gola, PŠ Otočka
19	OŠ Gornji Mihaljevec, Macinec
20	OŠ Ivana Gorana Kovačića, Delnice

21	OŠ Ivana Kukuljevića Sakcinskog Ivanec, PŠ Tina Ujevića Salinovec
22	OŠ Ivana Perkovca, Šenkovec
23	OŠ Jože Horvata, Kotoriba
24	OŠ Krapinske Toplice
25	OŠ Krunoslava Kutena, Vrbovec; PŠ Rakovec
26	OŠ Ksavera Šandora Đalskog, Donja Zelina
27	OŠ Ksavera Šandora Đalskog, Donja Zelina; PŠ Nespeš
28	OŠ Ksavera Šandora Đalskog, Donja Zelina; PŠ Psarjevo
29	OŠ Ljubešćica
30	OŠ “Ljubo Babić” Jastrebarsko, PŠ Desinec
31	OŠ Ljudevit Gaj Krapina
32	OŠ Ljudevit Gaj Krapina, PŠ Donja Šemnica
33	OŠ Ljudevita Modeca, Križevci
34	OŠ Ludbreg
35	OŠ Mahično, Karlovac
36	OŠ Marije Jurić Zagorke, Vrbovec
37	OŠ Novi Marof
38	OŠ Oroslavje
39	OŠ “Petar Zrinski” Čabar
40	OŠ “Petar Zrinski” Čabar, PŠ Gerovo
41	OŠ “Petar Zrinski” Čabar, PŠ Prezid

42	OŠ “Petar Zrinski” Čabar, PŠ Tršće
43	OŠ “Petar Zrinski” Šenkovec
44	OŠ “Petar Zrinski” Šenkovec, PŠ Mačkovec
45	OŠ Petrijanec
46	OŠ Rudolfa Strohala, Lokve
47	OŠ Sidonije Rubido Erdödy, Gornja Rijeka; PŠ Kolarec
48	OŠ “Slava Raškaj” Ozalj, PŠ Mali Erjavec
49	OŠ Sračinec
50	OŠ Stjepan Radić, Božjakovina
51	OŠ Sveti Đurđ
52	OŠ Sveti Martin na Muri
53	OŠ Tomaša Goričanca, Mala Subotica
54	OŠ Veliko Trgovišće, PŠ Dubrovčan
55	OŠ Vidovec
56	OŠ Visoko
57	OŠ Vladimir Nazor, Sveti Ilija
58	OŠ Vugrovec, Kašina
59	II. OŠ Čakovec



Pučko otvoreno učilište
Sveti Ivan Zelina

ISBN 978-953-8470-04-2



9 789538 470042